

البولس


تسالونيكي الأولى

حياة مقدسة في الضيقات

حياتنا مع ربنا يسوع مختلفة ... حياة مقدسة ... و الدنيا حوالينا غالباً مش هاتقبل أفكارنا بل ممكن تضطهدنا ... إحنا المفروض نتمسك بربنا و بوصاياه، و ماننخلّش أبداً عن محبّتنا لكل الناس ... و نعيش على رجاء القيامة و الأبدية السعيدة

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه
ده مجرد ملخص بسيط، مش درس كتاب ☺

عن السفر i



عدد الإصحاحات: 5

📌 السفر موجّه لمين؟ لأهل تسالونيكي (في اليونان) اللي بشرهم القديس بولس في رحلته التبشيرية الثانية (أعمال الرسل 17)

? ظروف الكتابة:

الرسالة دي من أول الرسائل اللي كتبها القديس بولس ... كتبها سنة 51 من كورنثوس أثناء رحلته التبشيرية الثانية

✉ هدف السفر:

- إن القديس بولس يتواصل ثاني مع كنيسة تسالونيكي بعد ما قال له تلميذه تيموثاوس إنهم ثابتين في الإيمان رغم الاضطهادات
- الهدف الرئيسي هو تصحيح فكرة المجيء الثاني (إن مش شرط ربنا يسوع يبجي ثاني بسرعة لكنه أكيد جي و إحنا عايشين على رجاء القيامة)

🔑 مفاتيح فهم السفر:

- كنيسة تسالونيكي كانت كنيسة تتعرض لاضطهادات و مقاومات كبيرة من اليهود اللي هناك (اللي طردوا بولس و سيلا من المدينة و طاردوهم كمان إلى مدينة بيرية القريبة من تسالونيكي)
- كمان الموضوع دخل في السياسة و بقى فيه تهمة لكنيسة تسالونيكي إنها بتقاوم قيصر لأنها بتقول إن يسوع هو الملك

☰ ترتيب السفر

الكنيسة المجاهدة الصابرة في انتظار العريس السماوي

إصحاح 1 ل 3

تشجيع للثبات في الإيمان



أهل تسالونيكي كانوا سبب تعزية للقديس بولس بسبب إيمانهم و محبتهم و ثباتهم في الضيقات

إصحاح 4 و 5

تشجيع للنمو في الإيمان



القديس بولس بيشجّع الكنيسة إنها تكمل جهادها على كلام و وصايا ربنا يسوع

1: تشجيع للثبات في الإيمان



• إصحاح 1 يتكلم عن قوة إيمان كنيسة تسالونيكي

○ آية 1 ل 5 يبدأ القديس بولس بصلاة شكر لربنا على إيمان و رجاء و محبة كنيسة

تسالونيكي

○ آية 6 ل 10 بيركزوا على تحوّل رائع لأهل كنيسة تسالونيكي من عبادة الأوثان إلى عبادة

الله في المسيح ... و طبعاً إحنا فاهمين إن الكنيسة كان معظمها من الأمم لأن معظم اليهود قاوموا البشارة

• إصحاح 2 يتكلم عن خدمة القديس بولس في تسالونيكي

- آية 1 ل 12 عن طريقة القديس بولس إنه عاملهم زي أولاده و هم عاملوه كأبوهم الروحي ... حتى مارضيش يتقل عليهم مادياً باحتياجاته (رغم إن ده حقّه) بل كان بيعمل بجانب خدمته عشان يعرف يعيش
- آية 13 ل 16 عن الاضطهادات و الضيقات اللي هم فيها و إن ربنا يسوع نفسه واجه نفس الضيقات (خاصته لم تقبله بل صلبوه) و نفس الكلام للقديس بولس نفسه (رفض اليهود له) و نفس الكلام لكنائس أورشليم و اليهودية (اضطهاد اليهود ليهم)
- **إصحاح 3** بيتكلم عن **اطمئنان بولس على كنيسة تسالونيكى من خلال تلميذه تيموثاوس**
 - آية 1 ل 10 يشجّع القديس بولس كنيسة تسالونيكى بأنهم فرّحوه باحتمالهم .. لمّا قلق عليهم و بعث لهم تيموثاوس يطمئن هل هم ثابتين في الإيمان ولا لأ ... و رجع تيموثاوس بتشجيع للقديس بولس إن الكنيسة ثابتة على إيمانها و محتملة للتجارب
 - آية 11 ل 13 صلاة لأهل تسالونيكى إنهم ينموا أكثر و أكثر في الإيمان و المحبة

و كيف رجعتم إلى الله من الأوثان، لتعبدوا الله الحي الحقيقي، و تنتظروا ابنه من السماء، الذي أقامه من الأموات، يسوع، الذي ينقذنا من الغضب الآتي

تسالونيكى الأولى 1 : 9 و 10

هم قبلوا كلام الإيمان و الروح القدس رغم الصيقات و رغم إن البيئة المحيطة بتاعتهم كلّها نجاسات و عبادة وثنية
 ده طبعاً كلّهم كثير: طرد من عائلاتهم، نظرة احتقار من المجتمع ... لكن محبة ربنا يسوع و رجاء الحياة الأبدية يستحق التضحية

هكذا إذ كنا حائنين إليكم، كنّا نرضى أن نعطيكم، لا إنجيل الله فقط بل أنفسنا أيضاً، لأنكم صرتم محبوبين إلينا

تسالونيكى الأولى 2 : 8

ما أروعك يا قديس بولس ... خادم قدوة و مثل أعلى في محبة المخدمين و بذل الذات من أجلهم اقتداءً برّبنا يسوع ... آية لازم تكون قدام كل خادم عن معنى الخدمة كمحبة فيها تعب و بذل، و ليست سيطرة أو منصب

من أجل هذا إذ لم أحتمل أيضاً، أرسلتُ لكي أعرف إيمانكم، لعل المجرب يكون قد جربكم، فيصير تعبنا باطلاً

تسالونيكي الأولى 3 : 5

بنشوف الكلام ده في أعمال الرسل 17 : 15 ... لَمَّا بولس سبق على أثينا بينما تيموثاوس رجع يطمئن على كنيسة تسالونيكي القديس بولس هنا بيعطينا درس في الخدمة ... مش بس سَلِّمهم الإيمان، بل بيتابعهم باستمرار عشان مايجيش الشيطان يشكّكهم في الإيمان بسبب التجارب، فيضيع إيمانهم و يبقى تعب بولس راح على الفاضي

متذكرين بلا انقطاع عمل ايمانكم و تعب محبتكم و صبر رجائكم ربنا يسوع المسيح

تسالونيكي الأولى 1 : 3

نقدر نقرا تأمل على الآية دي [هنا](#)

فإنكم أيها الإخوة صرتم متمثلين بكنائس الله التي هي في اليهودية في المسيح يسوع، لأنكم تألتم أنتم أيضاً

تسالونيكي الأولى 2 : 14

مافيش مجتمع المسيحي هايعرف يعيش فيه مرتاح بدون اضطهاد ... المجتمعات اللي عندها إيمان بعقائد أخرى هاتضطهد المسيحية كهرطقة (اليهود عثرة) و المجتمعات اللادينية اللي بتعتمد على العقل و الحكمة البشرية هاتسخر من المسيحية (اليونانيين جهالة)

و الرب ينقيكم و يزيدكم في المحبة بعضكم لبعض و للجميع

تسالونيكي الأولى 3 : 12

لسة القديس بولس بيشيد بإيمانهم و محبتهم ... لكن الحياة الروحية كده: نمو دائم ... ماينفesh حد يقول أنا كده كويس خلاص

🕌 يا رب خَلِّنا نتعلم من الكنايس اللي رغم كل الضيقات و المصاعب صابرين و شاكرين و متمسكين بيك

2: تشجيع للنمو في الإيمان



- **إصحاح 4** يتكلم عن **نصائح مهمة في الحياة الروحية**

- آية 1 ل 8 عن ضرورة **القداسة** الجسدية و البُعد عن الزنا
- آية 9 ل 12 عن أهمية **المحبة و الخدمة** ... و إننا لازم نشتغل بجد و اجتهدا عشان مانتقلش على الكنيسة أو نكون عبء عليها بل بالعكس، نساعد إخواننا المحتاجين و الوصية دي مهمة للكنيسة هناك لأن انتظار مجيء ربنا مش معناه إننا مانشتغلش في الدنيا
- آية 13 ل 18 عن القيامة ... آيات معزية إن من ساعة قيامة ربنا يسوع، قد صار **ليس موت لعبيد الله بل هو انتقال** ... رقاد في انتظار الأبدية السعيدة ... و بيستخدم القديس بولس تشبيه في زمنهم عن إزاي إنه لو القيصر رايح مدينة هايبعثوا سفراء منهم يستقبلوه ... بنفس الطريقة القديسين اللي سبقونا هايبقوا هم سفرائنا اللي هايبدأوا باستقبال ربنا يسوع في مجيئه الثاني على السحاب

● إصحاح 5 يتكلم عن **حياة السهر الروحي**

- آية 1 ل 11 عن الدينونة ... الإمبراطورية الرومانية كان اعتقادها إن السلام و الأمان بييجوا من قيصر عن طريق الحكم العسكري ... لكن القديس بولس بيقول إن يسوع هاييجي ثاني كملك في يوم ماحدش عارفه و يجازي كل واحد حسب أعماله ... و ده يوم فرح للكنيسة و مصدر رجاء ليها و لكل واحد مستعد ... بينما يوم صعب جداً على من لم يستعد
- آية 12 ل 22 فيهم بعض النصائح الختامية لأهل تسالونيكي
- آية 23 ل 26 بيختم القديس بولس الرسالة زي ما بدأها بصلوة، إن ربنا يحفظ كنيسة تسالونيكي و يقدسهم إلى يوم مجيئه

ثم لا أريد أن تجهلوا أيها الإخوة من جهة الراقدين، لكي لا تحزنوا كالباقين الذين لا رجاء لهم

تسالونيكي الأولى 4 : 13

طبيعي إننا لهما بيموت حد من حبايبنا بنزل ... و بيكون أهم سؤال عندنا: يا ترى مصيره و مصيرنا إيه؟

قيامه ربنا يسوع المسيح و انتصاره على الموت قلب الموازين ... بقى الموت اشتها و فرح و انتقال و حرية من قيود الجسد ... ولا حتى الموت يقدر يفصلنا عن محبة ربنا يسوع المسيح و الأكيد إننا هانتجمع ثاني مع حبايبنا في القيامة عند مجيء ربنا يسوع المسيح الثاني

فلا نلّم إذاً كالباقين، بل لنسهر ونصح

تسالونيكى الأولى 5 : 6

فكرة المجيء الثاني من الأفكار اللي سهل تغيب عن بالنا في زحمة و دوشة الدنيا ... لكن لازم نفكر نفسنا و بعض بيها على طول ... ربنا يسوع هاييجي و يدين الأرض و يعطي كل واحد حسب أعماله ... لازم نسهر و نستعد زي العذارى الحكيمات

لأن هذه هي إرادة الله: قداستكم. أن تمتنعوا عن الزنا

تسالونيكى الأولى 4 : 3

غريب جداً إننا في وقتنا ده بنسمع في مجتمعات المفروض إنها مسيحية و أماكن بتسمي نفسها كنائس إن الزنا هو حرية شخصية و مش خطية ... الآية واضحة جداً و واضح جداً تعليم ربنا يسوع إنه بيكره هذه الخطية جداً

و مجتمع تسالونيكى كان فيه إباحية كبيرة و عبادة أوثان عشان كده النصيحة دي مهمة للكنيسة هناك جداً عشان يقدرُوا يقاومُوا الانحراف وراء ثقافة مجتمعهم

افرحوا كل حين. صلوا بلا انقطاع. اشكروا في كل شيء

تسالونيكى الأولى 5 : 16 ل 18

نقدر نقرا تأمل على الآية دي [هنا](#)

نتعلم إيه؟

الطريقة الوحيدة اللي نقدر بيها نصبر في الضيقات هي رجائنا و يقيننا بمجيء ربنا يسوع عشان ياخذنا معاه في الأبدية السعيدة

يا رب إدينا نعيش مستعدين لهذا اليوم عشان يكون يوم فرح لينا ... ننمو في كل عمل صالح و نعيش في تقوى و عفاف و محبة



المراجع

- موقع [The Bible Project](#)
- وعظة أبونا داود لمعي من [برنامج فتشوا الكتب](#)
- موقع [القديس ت كلاهيمانوت](#)